


SECTION

6

ABOSOMDIN NE
BRAGORU



AMAMMERƐ NE AMANNE NE AKANFO AMAMMU

AmammerƐ ne Amanne

NNIANIM

Saa ɔfa yi da Ghana mmusuakuw ahorow no abosomdin no adi wɔ bere a worehwe wɔn abɔse wɔ w'amammerɛ mu. Ebeboa wo ama woahu nea enti ne abosomdin ahorow no so mfaso. Saa adesua yi beboa ama woate din to ase na ama wode nnidi a esɛ fata ama Ghana amammerɛ ne amanne ahorow no. Ɔfa yi san kasa fa ɔkwan a yɛfa so pagyaw mmabunu kɔ wɔn mpanyin mfe so (Bragoru). Mpensempensemu yi behwe nneyɛe ahorow a ɛda adi wɔ: ansa na wɔbegoru bra, bragoru no ankasa ɛna bragoru no akyi dwumadi ahorow a ɛkɔ so wɔ w'amammerɛ ne afoforo de mu wɔ Ghana, Wobesan asua mfaso a ɛwɔ bragoru so ma asakyima, n'abusuafo ne ne kuromfo nyinaa. Eɛ se wutumi kyere nneɛma a esese ne nea ɛda nso wɔ ɔkwan a wɔfa so pagyaw mmabun kɔ wɔn mpanyin mfe so wɔ Ghana mmusuakuw amammerɛ ahorow no mu.

Adesua yi bɛkɔ awiei no, na wutumi:

- Na yeasua abosomdin, wɔn abɔse ne wɔn dwumadi.
- Na wutumi pensempensem kwan ahorow a wɔfa so de ɔbabun bi kɔ ne mpanyin mfe (bragoru; Ansa na wɔbegoru bra, bragoru no ankasa ɛna bragoru no akyi dwumadi ahorow)
- Na wutumi yɛ ntotoho fa akwan ahorow a wɔfa so goru bra wɔ Ghana mmusuakuw ahorow no mu no.

Adwempɔw ahorow

- Abosomdin ahorow no abɔse gyina ɔbosom pɔtee bi so.
- Ayɔnkofa amapa da abosom ne wim atumfo no ntam.
- Wɔda wɔn abakɔsem adi kyere wɔn a wɔsom wɔn no.

- Bragoru ye Akanfo amammerɛ bi a wɔyɛ de pagyaw wɔn mmeawa ne mmарima kɔ mpanyin mu.
- Ɛsan nso kyere ɔkwan a wɔfa so gye onipa tom wɔ fekuw bi mu.
- Wɔgoru mmeawa ne mmарima nyinaa.

ABOSOMDIN

Wɔde edin ahorow bi to yen so esian twaka a ɛda yene wim atumfo bi ntam nti. Wɔfrɛ saa edin ahorow yi se **abosomdin**. Ansa na wobesua biribi afa abosomdin ho no, ɛsɛ sɛ wote asemfua abosom asekyerɛ ase yiye.

DƐn ne ɔbosom?

Abosom ye ahonhom a wɔtumi ye mmea anaa mmарimma. Wɔyɛ ewiem atumfo a nnipa a wɔwɔ gyidi bi sɛ biribiara a ɛbɛkɔ so wɔ wɔn asetena mu no, ɛyɛ ade a abosom no betumi ayɛ ho biribi nti na wɔsom wɔn. Saa abosom yi wɔ honhom mu tumi kɛsɛ. Yɛtaa de ɔsom mu gyidi ne emu nnwuma ahorow no gyina hɔ ma wɔn abosom. Saa ahonhom yi tumi ye mmea anaa mmарimma. Ɔsom mu ahonhom a wɔyɛ mmарimma no mu bi ne Zeus, Apollo, Athena, Aphrodite, Artemis, ne nea wɔkeka ho. Ghanaman yi mu, mantam anaa abusuakuw biara wɔ abosom a wɔgye wɔn di. Abosom a wɔagye din pa ara wɔ Ghanaman yi mu no na edidi so yi:

- i. **Ga:** Dantu, Nae, Klote, La Kpa, ne wɔn a wɔkeka ho.
- ii. **Akan:** Kune, Tegare, Nyamaa, Antoa, ne wɔn a wɔkeka ho.
- iii. **Dagomba:** Tambo, ne wɔn a wɔkeka ho.

Abosom a wɔagye din pa ara bɛn na wɔwɔ wo kurom?

Abosomdin Ahorow

Wɔgyina gyidi ne ɔsom ahorow so na ɛde abosomdin to nnipa binom. Abosomdin ye edin pɔtee bi a abusua, kurow, ɔsom anaa nnipakuwbi de to wɔn ho ɛnam twaka a ɛda wɔne abosom no ntam nti.

Abosomdin ahorow no ho nhwɛso

Nea edidi so yi ye Abosomdin ahorow a ɛwɔ Ghanaman mu:

1. Ewefo mmusuakuw no mu biako a ɛde Anlo a ɛwɔ Firaw Mantam mu no som bosom bi a wɔfrɛ no ‘Afa’ a ɛkyerɛ sɛ ofi onyame hɔ na ɔsan ye Abakan ma anyame ‘Bokɔ’ no din de ‘Amuzu’.

2. Akanfo mu nso, wɔde abosomnini ne abosombere din gyina hɔ ma nna ahorow no. Enam yei nti ɛda a yede wo obi no tumi nya nsunsuanso wɔ ne din so. Sɛ ebia, ‘Adwo’ yɛ ɔbosom a ogyina hɔ ma Dwowda, ne saa nti, wɔde edin ‘Adwoa’ to ɔbea a na yewoo no Dwowda, ɛna sɛ ɔyɛ ɔbarima nso a, wɔto no edin ‘Kwadwo’.

Bobɔ abosomdin ahorow a ɛwɔ soro hɔ no mmiako mmiako. Ma wo kyerekyerɛni ntiɛ sɛnea wosi bobɔ edin no. Wunim abosom bi a wɔwɔ wo kurom anaa wo mpɔtamu din?

Abosomdin ahorow abɔse

Abosomdin ahorow no da nso fi ɔsom ahorow mu a egyina wɔn a wɔto edin no gyidi ne wɔn amammɛɛ so. Sɛ ebia, Ewefo mu no, wɔn abosomdin abɔse ne Yeye (Agradaa Nyame), Akanfo nso nya wɔn abosomdin fi asuo ahorow mu ɛna Dangmefo nso nya wɔn abosomdin fi Ɔbɔade Nyame hɔ ne nea ɛkeka ho.

Wunim din no abɔse?

Nea enti a wɔto abosomdin

Wɔgyina nneema ahorow so na ɛto abosomdin. Wɔto nnipa abosomdin de kyere dwuma a ɔbosom no di anaa ne tumi. Ebi nso gyina mmoa bi a wɔnya fii ɔbosom no hɔ so ɛna ebi nso da nnipakuw bi amammɛɛ so ana sɛnea ɔbosom bi si te. Bio, awarefo bi nnya awo a wɔkɔ abosom nkyɛn kɔpɛ mmoa. Wɔhyɛ bɔ wɔde wɔn ba na ɛto ɔbosom no de di wɔn bɔhyɛ no so.

Abosomdin to ho mfaso

Abosomdinto so wɔ nsunsuanso kɛse wɔ nnipa ahorow a wɔsom wɔn no abrabo so.

Mfaso ahorow a wɔn a wokura abosomdin no nya wɔ wɔn din no so na edidi so yi:

1. Yɛdehyɛ wɔn nso. Abosomdin boa ma yehu bosom pɔtee a obi som no ne beae a onipa no fi.
2. Ɛkyere twaka a ɛda onipa bi ne ɔbosom no ntam.
3. Abosomdinto boa ma amammɛɛ ne ɔsom ase tim ne nea ɛkeka ho.
4. Ɛda awofo no gyidi a wɔwɔ wɔ ɔbosom no mu adi.
5. Abosomdinto boa ma nea okura abosomdin no nya ahoɔden, ahobammɔ ne honhom mu tumi.

Dwumadi 6.1

1. Fa w'ankasa nsemfua kyerekyere asemfua 'ɔbosom' mu.
2. Montena baanu baanu, monkyerew edin ahorow du na monkyere abosomdin ahorow a ewowom.
3. Fa abosomdin ahorow a wuhuu no toto wo mfefo a woye Akanfo de ho. Kae se wone w'afefo bekye adwen afa wo mmuae no ho.
4. Wowo abusuadin a eye abosomdin ana? Kyere wo din no abose. Se wunni bi nso a, fa abosomdin a wokyere we no wo (2) no na kyere n'abose.

Dwumadi 6.2

Fa mmuae a efata wie pon yi mu dwumadi wo bere a worekyerew abosomdin anum, won abose ne won dwumadi.

	Abusuakuw	ɔbosomdin	N'abose	Ne Dwumadi
1				
2				
3				
4				
5				

Dwumadi 6.3

1. Kyere ade biako a ema nnipa binom ne abosom ye apam wo wo kurom.
2. Kyerew mfaso abiesa (3) a wonya fi abosomdinto so.

BRAGORU

Saa ofa yi kasa fa kwan a wofa so pagyaw mmabunu ko won mpanyin mfe so wo bere a yerehwe dwumadi ahorow a eko so ansa na wabegoru bra, bragoru no ankasa enna bragoru no akyi wo ahorow so.

Nnwennweneho aɛmmisa:

Wokae nsakrae abiɛsa (3) bi a ɛbaa wɔ wo nnipadua mu wɔ bere a wodii mfe 10 kosi 14 no?

Den ne Bragoru?

Bragoru ye Akanfo amammere bi a wɔye de pagyaw wɔn mmeawa ne mmarima ko mpanyin mu. Mpen pii no etaa si wɔ mmeawa a wɔadi mfe 10-14 ɛna mmarmma a wɔn nso adi mfe 12-16 (Eyi nye nokware mma nnipa nyinaa).

Nsakrae a ɛda adi wɔ mmeawa nipadua mu

Nsakrae a ɛda adi wɔ mmeawa nipadua mu no bi na edidi so yi:

- Wɔn sisi akyi tɛw
- Wɔn asere ye akese
- Wɔn to nso yeye akese nkorowakorowa
- Wɔbu wɔn nsa a edi kan
- Wɔn nufɔ yeye akese
- Nhwi fu wɔ wɔn bea so ne wɔn mmotoam.

Nsakrae a ɛda adi wɔ mmarmma nipadua mu

Nsakrae a ɛda adi wɔ mmarmma nipadua mu no bi na edidi so yi:

- Wɔn tadia ne wɔn hwoa yeye akese.
- Nhwi fu wɔ wɔn tadia so ne wɔn mmotoam.
- Wɔn koko ne wɔn mmati yeye akese
- Wɔn honam mu ntini nso mu ye den
- Wɔn nne mu ye du
- Wɔye tenten
- Wɔfu abɔgyese

Saa nsakrae ahorow yi kyere abrabɔ mu kankɔ bi a yefɛ no **Bragoru**.

Bragoru

Bragoru ye Akanfo amammere bi a wɔye de pagyaw wɔn mmeawa ne mmarmma ko mpanyin mu. Eyi ye amammere ne amanne a ɛko so wɔ abadinto akyi a ɛpaga no fi mmofra mu ko mpanyin mu.

Pon 6.1 a ɛwɔ fam ha no kyerekyere edin ahorow a wɔde ma bragoru wɔ mmusuakuw ahorow a ɛwɔ Ghanaman ha no.

Mmusuakuw	Edin a wɔde ma mmeawa de	Edin a wɔde ma mmarimaa de
Ewefo	Gbotowɔwɔ/Tugbewɔwɔ	Tudedeasei
Krɔbofo	Dipo	
Fantefo	Bragor	
Twifo	Bragoru	
Akpafufo	Iseyi	
Nkranfo	Otofo/ Otseɣtse	Plamatsemɔ/Butrumwɔwɔ/ Dɛɣtuwoo
Sissalafo	-	Baala
Vaglafo		Pellaa

Sen na wɔsi frɛ saa amammere dwumadi yi wɔ wo kasa mu? Wɔye saa amanne yi ma mmeawa ne mmarima.

Dɛn ne Nnyetom?

Nnyetom ye dwumadi anaa nseɛnkyerenne a wɔye de ma onipa bi de yi no fi tebea bi mu kɔ tebea foforo mu wɔ abrafo mu a wɔtaa frɛ no ɔbra kankɔ mu. Yetumi gye obi tom de no hye adwumakuw sononko bi, kokoam adwumakuw anaase wɔbɔ no asu de gye no tom wɔ ɔsom bi mu. Mmom, nyetom a yereka ho asem no wɔ ha ye nea yede begye mmabunu fi mmofra mu kɔ mpanyin mu.

Okwan a wɔfa so gye obi tom

Okwan ahorow a wɔfa so gye obi tom te se bragoru no da nso fi afoforo de ho. Ahoboa ahorow a wɔye ansa na wɔagoru bra, bragoru no ankasa ne bragoru no akyi na yerebeka ho asem yi.

Bragoru Ntotoho: Nea Esese

Okwan a wɔfa so goru mmeawa bra:

1. Ansa na wɔbegoru bra no mu dwumadi

Awofɔ hu nsakrae bi wɔ wɔn mmammea nnipadua mu a, wɔhye ase ye ahoboa.

Mpen pii no se abeawa no bu ne nsa a edi kan a, wɔde no fa saa amammere ne amanne dwumadi ahorow a edidi so yi mu:

- a. Nea edi kan no woyi mmeawa no fi abusuakuw no mu kohye baabi siesie won ma bragoru dwumadi no.
- b. Mmeawa no awofa kobo mpanyimfo anaase Nsumankwaahene a eye n'asede se odi saa dwuma no amanne.
- c. Mmea mpanyimfo binom a wowa kurow no mu de asakyima no hye dan mu kyerekyere won abrafo pa ne mmea awarefo asede senea ebeye a woko aware a wobetumi ahwe won afi so yie.
- d. Wokyerekyere asakyima anaa mmeawa yi ofi dwumadi bi te se aduannoa, apra, atomasi ne ahonnidi ne nea ekeka ho.
- e. Wokyerekyere mmeawa yi nsaanodwuma bi te se kete nwene, aheneye, kukunwene, tibo ne nea ekeka ho.
- f. Wosan sua won kurom nnwomto ne asa.
- g. Wokyerekyere won mpa so nkitahodi de siesie won ma won daakye akununom.

2. Bragoru no ankasa mu dwumadi

Bragoru no ankasa mu no, obeapanyin ana okomfo di dwuma a edidi so yi de gye mmeawa no tom.

Ogu nsa de sre odo ne ahobammfo fi nananom abosom ho ma asakyima no ne bragoru dwumadi no. Nsagu no akyi no, wode fa honhom mu dwumadi ahorow a edidi so yi:

- a. Woye honhom mu amanne bi de hwe se mmeawa no mu biara mfaa obarima da. Woye eyi wo bere a woma wotena obo tumtum bi so na afei waguare asu mu anaa po mu ne nea ekeka ho.
- b. Okomfo no anaa obeapanyin no yi won ti nhwi nyinaa ma won.
- c. Woma asakyima no tena asesegua anaa bonwoma so wo bragoru no mu.
- d. Woma won nnuan bi te se nkesua ne nea ekeka ho.

Woye saa honhom mu dwumadi yi wie a, wode Akanfo afade te se kente, nhenepa ne mpomporanne ahorow siesie won ho fefefe.

- e. Wobo gua dataa de hye won anuonyam san de gye won ba mpanyin mu.
- f. Wode nhenepa ne kente a ete apo siesie asakyima yi ho wo aguabo ase san yiyi won mpokua ne won honam akwaa no so de da no adi ma mmarima hwe gyina so pe won mu bi a wobeware won daakye.



Mfonini. 6.1: *Mfonini yi ye Krɔɔfo mmeawa bi a wɔregoru wɔn 'Dipo' na wɔresan dwira wɔn.*

Mfonini a ɛwɔ fam ha yi ye mmeawa a wɔagoru wɔn bra awie



Mfonini 6.2. *Mfonini yi kyrere mmeawa a wɔde nhenpa asiesie wɔn ho no bi. (Bragoru)*

Bragoru no akyi dwumadi

- Bragoru no akyi no, mmeawa a wapagya wɔn kɔ wɔn mpanyin mfe so no ne wɔn abusuafo ne wɔn nnamfonom kyinkyin kurow no mu kɔdeda ɔmanfo no ase.
- ɔmanfo no de akyede ahorow ma wɔn de bɔ wɔn aba so se wɔafa bragoru dwumadi no mu asomdwoe mu. Akyede ahorow no mu bi ne sika, nhenpa, duku ne nea ɛkeka ho.



Mfonini 6.3. Eyi kyere mmeawa a wɔagoru wɔn bra awie a wɔde kente asiesie wɔn ho. (bragoru)

Bragoru Ntotoho: Nsonsonoe a ɛda bragoru dwumadi ahorow a ɛwɔ Ghanaman yi mmusuakuw mu.

Sɛ yɛde dwumadi ahorow a ɛsɛsɛ no to nkyɛn a, yɛwɔ dwumadi ahorow no bi nso wɔ hɔ a ɛda nso fi afoforo ho. Saa dwumadi no bi na edidi so yi.

Ewefo

1. Sɛ wɔde nnawɔtwe anaa bosome bɛyɛ bragoru dwumadi bi gyina nnipa anaa botae a ɛtaa akyi no so.
2. Wɔde mmeawa a wɔagoru wɔn bra no kɔtena afikyiri ma wɔn nnamfonom begoru de gyegye wɔn ani wɔ bere a wɔte afikyiri hɔ no.
3. Bragoro dwumadi no mu no' kesua a wɔde ma wɔn di no gyina hɔ ma awɔɔ.

Krɔbɔfo

1. Krɔbɔfo yɛ Dipo ma wɔn mmeawa wɔ bere a wɔn bosombere Nene Kloweki soma ma wɔde ato gua sɛ obiara a ne ba aso sɛ yɛgoru no bra no mfa no mmra. Wɔde nnanum na edi saa dwuma yi wɔ Ogyefo bosome no mu.
2. Ansa na bragoru no ankasa bɛkɔ so no, awɔfo ahorow de wɔn mmammea no kɔkyere wɔn abusua akɔmfɔ a wɔhwe yɛ 'Dipo' no.
3. Bragoru ankasa dwumadi mu no, akɔmfɔ gu nsa, yɛ nyankomade ahorow san yi mmeawa no ti ho nhwi na wɔde wɔn atena bɔnhoma so ne nea ɛkeka ho.

Nkranfo

1. Nkranfo nso ye Otofo de ma wɔn mmammea wɔ bere a wɔanyini.

Akanfo

1. Akanfo nso de nnawɔtwe na edi saa dwuma yi wɔ bere a wɔhye ase Dwowda anaa Benada.
2. Ansa na wɔɛgoru bra no, wɔde mmeawa no kɔ ɔhemmea hɔ ma no ye honhom ne honam mu nhwehwemu fa wɔn ho de hwe sɛ wɔye mmaabunu anaa wɔnnyenyem nso.

Okwan ben so na Akuapemfo si goru wɔn mmammea bra?

Okwan a yefa so goru mmарimaa bra

Okwan a yefa so goru mmарimaa bra no nye ade a etaa kɔ so wɔ Ghanaman mu mmusuakuw ahorow no amammere mu. Mmusuakuw kakra a wɔdi saa dwuma yi bi ne Ewefo a wɔfre saa amammere ne amanne no “Tudedeasi”. Sissalafo nso fre no Baala, Nkranfo nso fre no Plamatsemɔ/Butrumwɔɔ/Dɛntuwoo enna Vaglafo nso fre no Pella. Bra a wɔgoru ma mmарimaa no ntaa nye aguabɔ ase dwumadi. Nhweso, Ewefo mu no, otu a wɔde ma abarimaa a wɔregoru no bra no wɔfre no ‘Tudedeasi’. Eɛ sɛ ɔde saa otu yi bɔ n’abusuafo ho ban na ɔsan nso de ye ha.

Akwan ahorow a wɔfa so di saa dwuma ahorow yi na edidi so yi;

1. Wɔde abarimaa no kosie baabi
2. Wɔkyerekyerɛ no biribi fa mmарimaye, asɛde ne mpam agodi ho
3. Wɔpagya mmарimaa no kɔ wɔn mpanyin mu
4. Wɔhye wɔn den wɔ honhom ne honam mu
5. Wɔkyerekyerɛ wɔn amammere ne amanne nso

Akwan ahorow a wɔfa so di saa dwuma yi da nso wɔ mmusuakuw ahorow bi de ho wɔ Ghanaman mu ha.

Bragoru So Mfaso

1. Wɔde pagyaw mmabunu kɔ mpanyin mu.
2. Wɔnam so nya nimde ahorow de bɔ wɔn bra.
3. Wɔde kyere sɛ ɔbabunu bi aso aware.
4. Wɔde siesie mmabunu wɔ honhom ne honam mu ma aware.
5. Wɔde kyerekyerɛ mmeawa ne mmарimaa no subanpa ne abrasɔpa.
6. Wɔde kyerekyerɛ mmabunu no wɔn amammere ne wɔn amanne.
7. Wɔnam so de si mmabunu abrasɔ bɔne ne subammɔne ano kwan.

8. Enam so ma mmeawa no nya dwetiri de bɔ bra daakye.

Dwumadi 6.4

Kyerɛw din a wɔde ma bra a wɔgoru de ma mmeawa ne mmarimaa na wo ne mfefo nkyɛ adwen wɔ ho.

Dwumadi 6.5

1. a. Montena akuwakuw na monhwɛ mfonini no yie na monka wɔn afade no ho aɛm. Ka nneema a w'ani gye ho wɔ wɔn afade no ho aɛm.



Source: Jibtrip as cited in Ndeti (2018).

- b. Kyerɛ mfaso a ɛwɔ afade ahorow a wɔde adi dwuma biako ho aɛm.
2. Hwɛ sini a ɛfa Akanfo bragoru no wɔ ha: <https://www.youtube.com/watch?v=zpTdowLmxN8>.
- a. Den na wɔtaa yɛ ansa na bragoru no ankasa akɔ so.
- b. Hwɛ sini a ɛfa bragoru ho no ma w'ani nkɔ dwumadi ahorow a wɔyɛ no wɔ bere a wɔregoru bra no ankasa mu ne bragoru akyi.
- c. Kyerɛw dwumadi abien (2) a wuhuu no wɔ sini no mu:
- i. Bragoru no ankasa mu
- ii. Bragoru no akyi
- d. Wone wo mfefo nkyɛ adwen mfa sini a wohwɛɛ no ho ne titiriw , nneema a ɛsɛsɛ ne nea ɛda nso fa bragoru a ɛkɔ so wɔ Ghanaman mu ha mmusuakuw no mu ho.
3. a. Hwɛ mfonini no:



b. Gyina nea woasua no so na kyerekyerɛ nea ɛrɛkɔ so wɔ mu?

Dwumadi 6.4

Kyerɛw nsonsonoe ne nea ɛsɛsɛ abien abien fa ɔkwan a wɔfa so pagyaw mmabunu kɔ mpanyin mu. Wɔ Akanman mu ne mmusuakuw a wɔwɔ Ghanaman yi mu de ho. Wone wo mfefo nkyɛ adwen mfa ho.

Dwumadi 6.5

Sɛ woyɛ obi a woɛsua Akuapem Twi kasa yi, kyɛrɛw nneɛma abiesɛ abiesɛ a ɛfa bragoru dwumadi no ho a wobɛpɛ sɛ wobɛsakra mu anaase ɛbɛwɔ ho na kyɛrɛ nea nti a woka saa . Wone wo mfefo nkyɛ adwen mfa ho.

MMɔAKYIRI NSEMFA

Mmɔakyiri nsemmisa a ɛfa abosomdin ho

1. Kyerew abosomdin a nnipa binom de ato wɔn ho sɛ abusuadin wɔ w'abusua ne wo kurom.
2. Kyerew Akanfo din ahorow anum na kyere wɔn abɔse.
3. Kyerew ɔbosombere bi din na kyere edin ahorow abiesɛ a wɔde gyina ho ma no.
4. Kyere nea enti a nnipa binom gye ɔbosom bi tom na wɔde ne din to wɔn mma wɔ wo kurom.
5. Kyerew mfaso abiesɛ a nnipa wɔkorɔ a abosomdin da ne so no nya.

Mmɔakyiri nsemmisa wɔ bragoru ho

1. Gyina w'ankasa ntease so kyerekyere bragoru mu.
2. Kyerew na kyerekyere bragoru so mfaso anum ma wo kuromfo. Aden nti na eyinom ye mfaso?
3. Bragoru dwumadi no fa ben na wope sɛ wɔsakra mu.? Kyerekyere wo mmuae no mu.

REFERENCES

- Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.
- Nukuknya, G.K. (2007). *Tradition and change in Ghana: An introduction to sociology*. Ghana Universities Press.
- Twumasi, K.D. & Adade, C. (2019). *Social studies in scope for JHS 1-3*. Kinddeh.

ACKNOWLEDGEMENTS



Ghana Education
Service (GES)

